

Starfsreglur foreldraráðs Sjúalandsskóla:

1. grein

Reglur þessar gilda um starfsemi foreldraráðs og samskipti þess við skólastjóra, foreldrafélag, skólanefnd, fræðslu- og menningarsvið, svæðaráð grunnskólanna sem og landssamtök foreldra. Þær öðlast gildi við undirskrift þar til bærra fulltrúa í foreldraráði.

Skólastjóri sér um að starfsreglur foreldraráðsins séu kynntar foreldrum, m.a. með birtingu þeirra í skólanámskrá og á upplýsingavef skólans. Foreldraráð skal hafa sérstakt svæði á heimasíðu skólans til að kynna starfsemi sína og þar skulu einnig koma fram nöfn, heimilisföng, símanúmer og netföng fulltrúa í foreldraráði. Skólastjóri ber jafnframt ábyrgð á að fræðslu- og menningarsviði sé tilkynnt um nöfn, heimilisföng og netföng fulltrúa í foreldraráði strax að lokinni kosningu þeirra. Formaður sér um að koma þeim upplýsingum til svæðaráðs foreldra, menntamálaráðuneytis og Heimilis og skóla - landssamtaka foreldra.

2. grein

Foreldraráð starfar skv. ákvæðum 16. gr. laga um grunnskóla nr. 66/1995. Í foreldraráði eiga sæti þrjú aðalfulltrúar og einn til vara.

Kjörfundur foreldraráðs skal haldinn á aðalfundi foreldrafélags við lok hvers skólaárs. Þá skulu kosnir þrjú fulltrúar til setu í foreldraráði til næstu tveggja skólaára og einn varamaður. Ef kostur er skulu varamenn jafnframt sitja fundi foreldraráðs. Kjörnir fulltrúar taka sæti í foreldraráði þegar að kjöri loknu. Annað árið skal kjósa tvo aðalfulltrúa en hitt árið skal kjósa einn aðalfulltrúa og einn varafulltrúa. Kosningarétt hafa foreldrar/forráðamenn sem ekki eru starfsmenn skólans. Miðað skal við að fulltrúar í foreldraráði eigi barn/börn í skólanum allan kjörtíma sinn. Til kjörfundar skal boðað með a.m.k. viku fyrirvara. Óska skal eftir tilnefningum til ráðsins tímanlega og í síðasta lagi í fundarboði aðalfundar. Á fundinum skal foreldraráð gera grein fyrir starfsemi sinni á liðnu starfsári. Skýrsla foreldraráðs skal birt á vef skólans.

3. grein

Foreldraráð starfar að hagsmunum skólans, nemenda og foreldra. Foreldraráð starfar með skólaráði. Skólaráð skipa: skólastjóri, foreldraráð, kennararáð og tveir fulltrúar starfsmanna. Í upphafi skólaárs skal skólaráð í samvinnu við skólastjóra gera áætlun um fundi á skólaárinu og skal miðað við að þeir séu a.m.k. tvisvar á skólaárinu. Nemendaráð fundar með skólaráði einu sinn á ári og oftast ef þurfa þykir. Skólastjóri boðar til fundar í skólaráði. Fulltrúi foreldrafélagsins er einnig boðaður á þessa fundi til að auðvelda upplýsingaflæði og virkt samstarf.

Foreldraráð fundar með skólastjóra, kennararáði og/eða nemendaráði oftast ef þurfa þykir. Miðað skal við að fundir foreldraráðs, þ.m.t. fundir í skólaráði séu níu á skólaárinu.

Foreldraráð afhendir skólastjóra afrit af erindum og umsögnum er varða skólann og skólahald, þegar þær eru sendar öðrum aðilum.

Foreldraráði er látin í té aðstaða og veittur nauðsynlegur aðgangur að skólahúsnæðinu, búnaði og skrifstofuþjónustu, s.s. prentun, ljósritun og póstdreifingu eftir því sem frekast er unnt.

4. grein

Drög að skólanámskrá næsta vetrar skal tekin til umfjöllunar og umsagnar í apríl ár hvert í skólaráði. Foreldraráð getur, ef þörf þykir, boðað skólastjóra og aðra starfsmenn skólans til fundar þar sem farið er yfir námskrána, hún skýrð nánar og foreldraráði gefinn kostur á að bera upp fyrirspurnir.

Foreldraráð gefur skriflega umsögn um skólanámskrá og skal hún send skólastjóra, skólanefnd og stjórn foreldrafélags eigi síðar en 30 dögum eftir að það fær hana til umsagnar. Með umsögn sinni og athugasemdum getur foreldraráðið sett fram tillögur um breytingar á skólahaldi og rekstri skólans og óskað eftir að þær verði teknar til umfjöllunar og afgreiðslu. Aðrar áætlanir sem varðar skólahaldið, s.s. skóladagatal, áætlanir um nýtingu fjármagns, áform um byggingar, viðhald og aðrar framkvæmdir, búnað skóla og skólaakstur skulu lagðar fyrir foreldraráð til umsagnar jafnskjótt og þær verða til. Fræðslu- og menningarsvið sendir foreldraráði til umsagnar áætlanir sínar í skólamálum áður en ákvarðanir eru teknar.

5. grein

Foreldraráð hlutast til um að áætlanir um skólahaldið þ.m.t. skólanámskrá og einnig umsögn ráðsins um hana sé kynnt öllum foreldrum, m.a. með því að gæta að því að skólanámskrá sé aðgengileg á heimasíðu skólans. Foreldraráðið fylgist með að áætlunum skólanámskrár sé framfylgt eins og aðstæður leyfa.

6. grein

Foreldraráð, í náinni samvinnu við skólaráð og fræðslu- og menningarsvið, hlutast til um að viðhorf og væntingar foreldra varðandi skólahaldið séu kannaðar með faglegum hætti. Foreldraráð gætir þess að niðurstöður slíkra kannana séu kynntar fyrir foreldrum og aðgengilegar á heimasíðu skólans.

7. grein

Foreldraráð starfar í náinni samvinnu við stjórn foreldrafélags skólans og leitast við að tryggja gagnkvæma miðlun upplýsinga. Dagskrár og fundargerðir hvors aðila skulu sendar hinum. Æskilegt er að einn aðili sé bæði kosinn í foreldraráð og stjórn foreldrafélags til að tryggja samstarf þarna á milli. Þess skal gætt að fréttir frá foreldráði fái umfjöllun í fréttabréfum og á heimasíðu foreldrafélags.

8. grein

Fulltrúar í foreldraráði velja sér formann og skipta með sér verkum (formaður - varformaður - ritari - varamaður) á fyrsta fundi ráðsins eftir kosningu hverju sinni og leggja drög að starfsáætlun fyrir næsta skólaár. Formaður undirbýr fundi og boðar til þeirra með dagskrá.

9. grein

Foreldraráð heldur fundargerðarbók. Fundargerðir skulu sendar skólastjórnendum og grunnskólafulltrúa/skólanefnd og birtar á vef foreldraráðs sem vistaður er á heimasíðu skólans.

10. grein

Foreldraráð er aðili að samstarfshópi grunnskólanna á svæðinu og situr formaður foreldraráðs eða fulltrúi hans fundi svæðaráðs. Foreldraráð tekur þátt í samstarfi foreldraráða og foreldrafélaga á landsvísi á vettvangi samtakanna Heimili og skóli og tekur þá afstöðu á þeim samstarfsvettvangi sem það telur best þjóna hagsmunum nemenda skólans og skólahaldi almennt.

11. grein

Foreldraráðsfulltrúum er skylt að gæta trúnaðar varðandi upplýsingar um einstaklinga, nemendur, kennara eða aðra sem þeir verða áskynja um í starfi sínu.

12. grein

Sé lögum og reglum um grunnskóla eða áætlunum um skólahald ekki framfylgt að mati foreldraráðs ber því að tilkynna það til menntamálaráðuneytisins enda hafi ábendingum þess til skólastjóra og/eða skólanefndar ekki verið sinnt.

Samþykkt á fundi foreldraráðs Sjólandsskóla 31. október 2005